



Menunai Janji Menjaga Kebajikan Rakyat

Wawancara **Utusan Malaysia**
bersama
Datuk Marimuthu Nadason
Presiden FOMCA



Gabungan Persatuan-Persatuan
Pengguna-Pengguna Malaysia (FOMCA)

ISBN 983-40315-8-9

Gabungan Persatuan-Persatuan
Pengguna-Pengguna Malaysia (FOMCA)
No. 1D-1, Bangunan SKPPK
Jalan SS9A/17
47300 Petaling Jaya
Selangor Darul Ehsan
MALAYSIA

© FOMCA 2007

Cetakan Pertama - Sep 2007

Menunai Janji Menjaga Kebajikan Rakyat

Berikut adalah wawancara Utusan Malaysia dengan Datuk Marimuthu Nadason, Presiden Gabungan Persatuan Pengguna Malaysia (FOMCA) mengenai Bajet 2008.

UTUSAN: *Bajet 2008 memberi banyak kelebihan kepada pengguna. Apa pandangan Datuk mengenai perkara ini?*

DATUK MARIMUTHU: Bagi saya, ini adalah bajet untuk kemudahan asas dengan penumpuan diberikan kepada pendidikan dan ini merupakan aspek yang paling penting.

Jika rakyat dapat diberi peluang belajar, menulis dan membaca sehingga sekurang-kurangnya tingkatan lima, mereka mampu menjadi rakyat yang celik huruf, tahu apa yang baik dan tidak baik dan mampu membuat keputusan. Kalau ada rakyat yang tidak boleh menulis, pembangunan yang kita bawa selama ini, tidak akan tercapai.

Untuk pengguna, bajet ini bersifat menyeluruh. Semua orang berpeluang mendapat pendidikan dari tadika sampai ke tingkatan lima dan enam.

Bajet 2008 menunjukkan kerajaan memberi penumpuan untuk melahirkan masyarakat yang matang. Kalau masyarakat matang, ia dapat mengelakkan perkara yang tidak baik seperti rasuah, isu-isu perkauman dan banyak lagi.

Saya turut gembira orang kampung yang sebelum ini kata tak mampu membeli buku dan bayar yuran sekolah, selepas ini, masalah itu tidak ada lagi. Saya rasa ini merupakan janji yang dibuat oleh Perdana Menteri semasa pilihan raya lepas iaitu untuk menjaga kebajikan rakyat.

Adakah bajet kali ini akan memberi kesan kepada pengguna seperti kenaikan harga barang dan sebagainya?

Bajet 2008 tidak melibatkan kenaikan gaji kakitangan awam. Gaji mereka sudah dinaikkan sejak awal lagi iaitu sekitar Julai lalu.

Kenaikan itu sudah berlaku dan kenaikan harga sudah berlaku sebelum ini. Namun, apa yang penting sekarang, harga barang yang sedia ada perlu kitakekalkan.

Bajet 2008 tidak memberikan kesan kepada peniaga. Mereka tidak boleh ambil kesempatan. Apa yang kita mahu, Kementerian Perdagangan Dalam Negeri dan Hal Ehwal Pengguna (KPDNHEP) sentiasa buat pemantauan secara rawak dan tidak perlu tunggu sehingga kenaikan barang berlaku.

Jadi, dalam satu dua minggu ini, pemantau-pemantau FOMCA turut memainkan peranan dan menggunakan laman web bagi memastikan para pengguna mengetahui perubahan kenaikan harga.

Kerajaan banyak memberi perhatian kepada pihak swasta termasuk taksiran duti setem mulai tahun depan. Adakah Bajet 2008 kali ini memberi kelebihan kepada sektor swasta?

Kita kena faham, kita memerlukan perniagaan. Kerajaan harus memberikan kemudahan kepada rakyat hasil daripada kegiatan perniagaan yang bertumbuh pesat di negara ini. Pemberian sedikit hak untuk sektor swasta ini merupakan situasi menang-menang.

Kita harus menjaga dan menggalakkan pelabur-pelabur asing supaya terus melabur ke negara ini dan membina keyakinan mereka terhadap sistem kita. Kerajaan perlu memastikan banyak syarikat dibuka dan memberi peluang pekerjaan kepada rakyat.

Kalau tidak diberikan sebarang pelepasan cukai kepada syarikat-syarikat swasta ini, maka kos-kos itu akan dibebankan kepada pengguna. Saya menyifatkan pelepasan itu sebagai adil supaya kos itu tidak dilepaskan kepada pengguna. Ini merupakan satu persekitaran kondusif untuk sektor swasta.

Kerajaan memberi peruntukan sebanyak RM50juta sebagai jaminan kepada Bank Simpanan Nasional dan Bank Islam untuk memberi pinjaman perumahan kepada rakyat berpendapatan rendah. Adakah langkah ini amat memberi manfaat kepada rakyat?

Saya rasa ini merupakan satu keputusan klasik di mana kerajaan faham permasalahan rakyat. Sebelum ini, bila kita pergi ke bank, mereka akan memberi banyak alasan dan kerentak seperti mahu slip gaji dan borang J, pihak bank akan tendang kamu ke kiri dan ke kanan.

Kemudahan pinjaman ini memberi peluang kepada pekerja sendiri seperti peniaga, tukang rumah, pencuci rumah. Saya rasa pinjaman seumpama ini merupakan sesuatu yang klasik di mana kerajaan mengambil kira masalah rakyat kerana masih ada golongan yang perlu dijaga. Ia juga memberi peluang kepada mereka yang tidak mempunyai dokumen menyeluruh bagi mendapatkan pinjaman.

Kita tidak mahu Bank Simpanan Nasional dan Bank Islam Berhad mengamalkan sikap pilih kasih selepas ini dan memberi peruntukan kepada negeri tertentu. Agihan perlu dibuat menyeluruh.

Kedua, pihak bank yang terlibat perlu memastikan golongan yang tidak layak mendapat kemudahan itu. Malah, kerajaan perlu memastikan proses yang diberikan itu benar-benar dilakukan. Ini kerana kita tidak mahu ada orang mengambil kesempatan. Sistem yang memberi kemudahan pinjaman ini perlu diteruskan pada bajet-bajet akan datang. Kemudahan itu secara tidak langsung dapat dikecapi oleh semua rakyat.

Kerajaan turut memberi peruntukan eluan bulanan tambahan kepada orang kurang upaya (OKU), warga emas dan mereka yang tidak berpendapatan tetap bon sebanyak RM2 bilion. Adakah pemberian ini bersifat mendekati masyarakat?

Mereka yang kurang upaya wajar diberi peluang dan kemudahan. Ini merupakan satu insentif kerajaan kepada mereka dan satu kemajuan yang kita capai. kita bukan negara miskin, pendapatan per kapita kita meningkat. Ini menunjukkan negara kita progresif.

Untuk warga emas, ia merupakan satu langkah yang klasik, sebelum ini, warga emas, bila dah bersara, kita lupakan sahaja, Kali ini dalam bajet, kerajaan memberi perhatian kepada mereka. Ini merupakan bajet yang mengenal pasti keperluan rakyat untuk negara menjadi aman dan makmur.

Warga emas dan OKU juga mempunyai hak untuk menikmati kemakmuran negara. Untuk belia yang tercicir juga diberi perhatian, kerajaan memperuntukkan sejumlah wang bagi memastikan mereka mempunyai kemahiran.

Sekarang, kita tidak ada banyak tukang-tukang yang mahir dan perkara ini dapat diatasi dengan melatih golongan tercicir ini untuk belajar kemahiran dan menjadi tukang yang mahir.

Bajet 2008 telah memansuhkan yuran sekolah dan memberi buku teks dengan percuma. Adakah ini kelebihan kepada golongan berpendapatan rendah?

Ita merupakan hak rakyat untuk mendapat pendidikan, kerajaan telah memberi hak ini. Selepas ini, ibu bapa tidak boleh mengeluh tidak mampu menghantar anak ke sekolah. Jangan cakap negara ini] tidak memberi peluang kepada rakyat. Ibu bapa juga tidak boleh leka terutamanya mereka yang tinggal di kawasan pedalaman.

Tidak ada alasan sekolah berada terlalu jauh dari rumah untuk tidak menghantar anak-anak ke sekolah. Kemudahan sudah disediakan. Ibu bapa tidak perlu buat bising lagi kerana guru ganti pun akan disediakan untuk memastikan para pelajar meneruskan pembelajaran supaya tidak ketinggalan.

Bagaimana Datuk melihat pengecualian 50 peratus duti setem diberi ke atas surat cara pindah milik rumah yang tidak melebihi RM250,000 seunit?

Ini merupakan peluang untuk semua rakyat. Golongan muda juga sudah berkemampuan untuk membeli rumah.

Apa komen Datuk terhadap fleksibiliti kepada perusahaan kecil dan sederhana (PKS) untuk membayar cukai pada akhir tahun dalam bajet ini?

Bukan semua syarikat di negara ini tersenarai di Bursa Malaysia. Untuk makluman, sebanyak 90 peratus syarikat di negara ini adalah PKS. Kerajaan perlu memberi mereka kemudahan. Kita kena menerima hakikat bahawa PKS harus diberi latihan, pinjaman, kewangan, latihan pengurusan syarikat dan pengetahuan undang-undang.

Mereka boleh menjadi aset negara untuk ke peringkat dunia. Kita harus menggalakkan PKS kita supaya menembusi pasaran antarabangsa. Jadi, semua usahawan PKS harus mengambil peluang ini bagi memajukan perniagaan masing-masing.

Adakah ketiadaan bonus dalam bajet ini akan memberi kesan psikologi dan produktiviti kakitangan sektor awam?

Mereka sudah mendapat kenaikan gaji Julai lalu, ia paling tinggi berbanding kenaikan gaji dalam sektor swasta. Selama ini, kakitangan kerajaan sudah mendapat banyak manfaat daripada kerajaan berbanding sektor swasta.

Mereka mendapat kemudahan pinjaman dan pelbagai insentif lain. Untuk itu, kakitangan awam perlu memegang prinsip berkhidmat untuk rakyat.

Kerajaan sudah memberi yang terbaik, jadi, mereka tidak boleh mengeluh. Kita mesti gembira, janganlah kerana tidak dapat satu bonus, ia mematikan semangat kakitangan kerajaan untuk bekerja.

Adakah bajet ini menepati kehendak dan menjaga kepentingan rakyat?

Kita memang tidak dapat memuaskan hati semua orang. Bajet kali ini memang menepati kehendak dan amat menggembirakan rakyat. Ia banyak memberi kemudahan asas untuk rakyat seperti pendidikan, perumahan,

peluang perniagaan melalui PKS dan banyak lagi. Dalam Bajet 2008, kemudahan pengangkutan awam juga diberi perhatian bagi memastikan rakyat hidup dalam keadaan selesa.

Malah, bilangan anggota polis turut ditambah dan kemudahan polis dipertingkatkan. Ini secara tidak langsung menjamin dan memberi keyakinan kepada rakyat bahawa keamanan negara dipelihara.

Secara keseluruhan, adakah Datuk berpuas hati dengan pembentangan Bajet 2008?

Saya berpuas hati kerana ia memberi penekanan kepada keperluan atas rakyat. Namun, saya ingin mencadangkan supaya kerajaan membuat satu petunjuk prestasi utama (KPI). Setiap empat bulan sekali, satu laporan KPI perlu dibuat dan dibentangkan bagi melihat perkembangan pelaksanaan Bajet 2008. Ini penting supaya Bajet 2008 tidak menjadi sia-sia dan pelaksanaannya tidak menyeluruh.

UTUSAN MALAYSIA

10 September 2007

INTIPATI BAJET 2008

- Tempoh pembayaran balik cukai pendapatan dipendekkan dari enam bulan ke 14 hingga 30 hari bagi penghantaran menerusi sistem e-filing.
- Pendaftaran perniagaan baru diluluskan dengan serta merta berbanding tiga hari sebelum ini.
- Tempoh kelulusan Laporan Penilaian Impak Alam Sekitar dipercepatkan dari tiga bulan ke lima minggu.
- Mulai 1 Jan 2008, taksiran duti setem urusan pindah milik harta tanah boleh dibuat berdasarkan penilaian pihak swasta bagi memastikan proses pindah milik boleh diteruskan sementara menunggu penilaian muktamad Jabatan Penilaian dan Perkhidmatan Harta.
- Mulai 1 Jan 2008 Jabatan Kastam akan menggabungkan 16 borang kastam kepada empat borang.
- Jabatan Imigresen akan pendek tempoh proses permit kerja daripada 14 hari kepada tujuh hari untuk pekerja berkemahiran berkuatkuasa 1 Jan 2008.
- Jabatan Imigresen akan memperkenalkan satu kategori visa baru bagi ahli perniagaan dan profesional asing yang mempunyai tempoh sah lebih panjang berkuatkuasa 1 Jan 2008.
- Mulai 1 Jan 2008 proses mendapatkan pas lawatan profesional bagi pekerja berpengetahuan akan dipercepatkan dengan membolehkan permohonan dibuat di pejabat kedutaan dan konsulat Malaysia di luar negara.
- Berkuatkuasa 1 Jan 2008, warganegara China dan India boleh memohon “*multiple entry visa*” (MEV) membuat permohonan di pusat kewangan antarabangsa seperti New York, London, Hong Kong dan Singapura.

- Lembaga Pengawasan Perakuan Syarikat Awam akan ditubuhkan di bawah kawal selia Suruhanjaya Sekuriti bagi mengawasi juruaudit syarikat awam ke arah meningkatkan mutu dan kesahian audit ke atas penyata kewangan syarikat awam.
- Pengecualian 50 peratus duti setem diberi ke atas surat cara pindah milik bagi sebuah rumah yang tidak melebihi RM250,000 seunit.
- RM6.5 bil diperuntukan bagi sektor pertanian. Antara program yang dilaksanakan ialah menggalakkan florikultur, herba dan rempah ratus.
- RM22 juta disediakan untuk tingkatkan aktiviti homestay bagi 47 buah kampung terpilih.
- RM30 bil diperuntukan bagi Kementerian Pelajaran termasuk pelaksanaan Pelan Induk Pembangunan Pendidikan.
- Peruntukan RM500,000 akan diberi bagi setiap sekolah kluster untuk tujuan aktiviti kokurikulum, latihan dan pembelian peralatan pembelajaran.
- Mulai 2008, yuran tahunan sekolah rendah dan menengah dimansuhkan.
- Mulai 2008, Skim Pinjaman Buku Teks diperluaskan kepada semua pelajar tanpa mengira pendapatan isi rumah dan bilangan anak yang layak.
- Pelajar sekolah daripada keluarga yang berpendapatan isi rumah RM1,000 sebulan dan kebawah akan diberi sepasang pakaian seragam percuma bagi satu kegiatan ko-kurikulum beruniform.
- Elaun guru pendidikan khas dinaikkan daripada RM.00 kepada RM250 sebulan.
- Kadar elaun guru ganti berkelulusan ijazah dinaikkan daripada RM85 kepada RM150 sehari.

- Guru mengajar bahasa Cina dan Tamil di Sekolah Kebangsaan diberi elaun RM60 sejam bagi lepasan ijazah dan RM50 sejam bagi lepasan diploma.
- Guru pesara akan diambil untuk berkhidmat sebagai guru ganti dan tenaga pengajar untuk guru pelatih
- Sekolah rendah dan menengah yang diusahakan badan amanah dan pertubuhan amal diberikan pengecualian cukai pendapatan.
- RM2 bil diperuntukan kepada pelbagai agensi latihan kerajaan untuk meningkatkan bilangan dan kualiti pekerja terlatih selaras dengan keperluan pasaran.
- RM480 juta diperuntukkan untuk program latihan GiatMARAdan Institut Latihan Perindustrian (ILP) serta latihan kemahiran di Institut Kemahiran Belia Negara.
- RM550juta diperuntukkan untuk menaik taraf politeknik dan kolej komuniti bagi meningkatkan kapasiti institusi latihan tersebut.
- RM750 juta diperuntukkan untuk membina sebuah Pusat Latihan Teknologi Tinggi (ADTEC) di Taiping.
- Skop Tabung Pembangunan Sumber Manusia akan diperluaskan dan kelonggaran akan diberikan kepada syarikat untuk memilih program latihan dan pendidikan lanjutan kepada kakitangan.
- Akta Pembangunan Sumber Manusia Berhad (2001) akan dipinda antaranya bagi membolehkan majikan mendapat bantuan kewangan bagi melatih pekerja sehingga peringkat sarjana dan ijazah doktor falsafah, terutama dalam bidang teknologi baru dan teknologi tinggi.
- Untuk tahun 2008, seramai 50,000 pekerja dalam sektor pembinaan akan dilatih dalam program latihan Masterskills dengan kos berjumlah RM100 juta.

- Bagi tahun 2008, Dana Sains diperuntukkan RM230 juta dan Dana Tekno diperuntukan RM300 juta, dan RM546 juta disediakan bagi program R&D institusi.
- Kadar pembayaran royalti kepada penyelidik ditingkatkan kepada 80 peratus dan baki 20 peratus kepada institut penyelidikan.
- Knowledge Workers Development Institute akan dibangunkan di Cyberjaya bagi melahirkan tenaga kerja berkemahiran tinggi menepati permintaan industri ICT.
- Duti import dan cukai jualan dikecualikan ke atas peralatan jalur lebar dan peralatan capaian pengguna.
- Potongan cukai diberi kepada majikan yang menyediakan manfaat komputer baru dan pembayaran langganan jalur lebar bagi kakitangan, dan manfaat yang diterima oleh kakitangan juga diberi pengecualian cukai.
- RM381 juta disediakan bagi melaksanakan perumahan rakyat kos rendah dan daripada jumlah itu RM191 juta bagi Program Perumahan Rakyat (PPR) Disewa dan RM190 juta bagi PPR Bersepadu.
- Kerajaan sedia dana sebagai jaminan kepada bank untuk memberi pinjaman perumahan kepada golongan yang tidak mempunyai pendapatan tetap bagi membiayai pembelian rumah kos rendah dan sederhana.
- Mulai 1 Jan 2008, sebanyak RM50 juta disediakan oleh kerajaan sebagai jaminan kepada Bank Simpanan Nasional dan Bank Islam Berhad.
- Pencarum KWSP dibenar keluar baki Akaun 2 mereka setiap bulan untuk tujuan membantu pembayaran ansuran pinjaman perumahan.
- RM887 juta diperuntukkan untuk membina lebih banyak kuarters

kakitangan awam di seluruh negara.

- RM12 bil akan dibelanjakan untuk meningkatkan pengangkutan awam di Kuala Lumpur dan Pulau Pinang dalam tempoh empat tahun akan datang.
- RM4 bil diperuntukkan untuk projek meningkatkan kualiti hidup di Sabah.
- RM4 bil diperuntukkan untuk projek pembangunan di Sarawak.
- Pelepasan cukai individu sehingga RM300 setahun diberi ke atas pembelian peralatan sukan dan senaman.
- Bon bernilai RM2 bil akan diterbitkan oleh Bank Negara Malaysia untuk dilanggarn oleh warga emas yang berumur 55 tahun ke atas yang tidak mempunyai pekerjaan tetap.
- Kadar elauan pekerja OKU ditambah daripada RM200 kepada RM300
- Bantuan khas sebanyak RM300 sebulan kepada penjaga OKU yang terlantar dan pesakit yang mengidap penyakit kronik.

Sumber: BERNAMA

RUANGAN PUSAT KHIDMAT ADUAN PENGGUNA NASIONAL (NCCC)



No. 1D-1, Bangunan SKPPK,
Jalan SS9A/17,
47300 Petaling Jaya, Selangor
Tel : 03-7877 9000
Faks : 03-7874 8097
Emel : nccc@eraconsumer.org
www.eraconsumer.org

ADIL ● PROFESIONAL ● BERKESAN

8 Hak Asas Kita

- Hak Untuk Mendapat Keselamatan
- Hak Untuk Mendapat Maklumat
- Hak Untuk Mendapat Kemudahan Asas
- Hak Untuk Menyuarkan Pendapat
- Hak Untuk Mendapat Gantirugi
- Hak Untuk Membuat Pilihan
- Hak Untuk Mendapatkan Pendidikan Pengguna
- Hak Untuk Mendapat Alam Sekitar Yang Sihat

Profil FOMCA

Gabungan Persatuan-Persatuan Pengguna-Pengguna Malaysia atau nama akronimnya, FOMCA merupakan sebuah organisasi bukan kerajaan yang bergerak secara sukarela dan tidak mencari keuntungan, bebas daripada isu-isu perkauman, keagamaan dan sebarang parti politik. FOMCA telah ditubuhkan pada 10hb Jun 1973 sebagai persatuan gabungan bagi beberapa persatuan-persatuan negeri pada masa itu. Kini FOMCA mempunyai 15 ahli gabungan di seluruh negara.

Objektif FOMCA adalah untuk menguatkan dan mengukuhkan pertumbuhan pergerakan pengguna di Malaysia; meneliti isu-isu serta berjuang untuk hak-hak pengguna; berjuang melalui kuasa beli pengguna yang mengikut keperluan untuk pembangunan yang menjamin sosio ekonomi yang adil dan kualiti alam sekitar yang lebih baik; dan mengkoordinasi dan menjadi badan perunding bagi organisasi pengguna di Malaysia.

Untuk mencapai objektif tersebut, FOMCA menjalankan pelbagai program pendidikan kepenggunaan dan menerbitkan risalah untuk kesedaran pengguna; bertindak memberi perlindungan kepada pengguna di semua peringkat; menyebarkan maklumat kepada pengguna; dan mengkoordinasikan tindakan pengguna melalui kempen dan sebagainya.

Falsafah FOMCA adalah untuk mewujudkan suasana dan sifat berdikari di kalangan pengguna, dengan merealisasikan moto “Perlindungan Paling Berkesan Adalah Perlindungan Kendiri.”



**Gabungan Persatuan-Persatuan
Pengguna-Pengguna Malaysia (FOMCA)**
No. 1D-1, Bangunan SKPPK, Jalan SS9A/17,
47300 Petaling Jaya, Selangor Darul Ehsan, Malaysia
Tel: 03-7876 2009, 7875 6370/62 Faks: 03-7877 1076
Emel: fomca@fomca.org.my
Laman Web: www.fomca.org.my

ISBN 978-983-40315-8-9

9 789834 031589